

কমপিউটার জগতের খবর

দ্বিতীয় ইউকে-বাংলাদেশ ই-কমার্স মেলার সাফল্য ৪৫ মিলিয়ন ডলারের চুক্তি

গত ২৫ মে ভাইব্রেন্ট সফটওয়্যার (বিডি) লিমিটেড ও সামিট টেকনোলজিস লিমিটেডের মধ্যে জমি লিজবিষয়ক এক সমঝোতা স্মারক স্বাক্ষর হয়। ভাইব্রেন্ট সাইবার সিটি ও ডাটা সেন্টার প্রতিষ্ঠা, মোবাইল ডিভাইস ও স্মার্ট ডিভাইস সংযোজন উৎপাদন, এটিএম ও স্মার্টকার্ড উৎপাদনের জন্য কালিয়াকারে বঙ্গবন্ধু হাইটেক সিটিতে ৪৫ মিলিয়ন ডলার বিনিয়োগ করা হবে বলে জানা গেছে।

১৩-১৪ নভেম্বর ২০১৫ আইসিটি ডিভিশন, হাইটেক পার্ক অথরিটি ও কমপিউটার জগৎ আয়োজিত 'দ্বিতীয় ইউকে-বাংলাদেশ ই-কমার্স ফেয়ার' পূর্ব লন্ডনের ওয়াটার লিলিতে অনুষ্ঠিত হয়। বাংলাদেশে প্রযুক্তি খাতের উন্নয়ন ও ইন্টারনেটের মাধ্যমে প্রবাসী বাংলাদেশিরা কীভাবে সেবা পেতে পারেন, তা তুলে ধরতে আয়োজন করা হয়েছিল দুই দিনের এ মেলা। মেলায় বিভিন্ন প্রতিষ্ঠান ৪০টি স্টলে তাদের প্রযুক্তিগত বা অনলাইনভিত্তিক সেবা তুলে ধরে। দুই দিনের এ মেলায় অনুষ্ঠিত হয়



বাংলাদেশের প্রযুক্তি, যোগাযোগ, শিক্ষা ও বিনিয়োগ সম্ভাবনাসহ বিভিন্ন বিষয়ে ৬টি সেমিনার এবং স্বাক্ষর হয় ৭টি সমঝোতা স্মারক। এর মধ্যে উল্লেখযোগ্য ছিল হাইটেক পার্ক অথরিটি ও ভাইব্রেন্ট সফটওয়্যার লিমিটেডের মধ্যকার ডাটা সেন্টার প্রতিষ্ঠাবিষয়ক সমঝোতা। হাইটেক পার্ক অথরিটির ব্যবস্থাপনা পরিচালক হোসনে আরা বেগম (এনডিসি) ও ভাইব্রেন্ট সফটওয়্যার লিমিটেডের সিইও মোহাম্মদ মারবিনের মধ্যে একটি সমঝোতা স্মারক হয়েছিল। এরই ধারাবাহিকতায় সম্প্রতি স্বাক্ষর হয় এই জমি লিজ সমঝোতা। চলতি বছর সেপ্টেম্বর মাসে ই-ক্যাভ ও কমপিউটার জগৎ ঢাকায় আয়োজন করতে যাচ্ছে ই-কমার্স ফেয়ার।

জমি লিজ সমঝোতা স্মারক স্বাক্ষর অনুষ্ঠানে সামিট টেকনোলজিস লিমিটেডের ব্যবস্থাপনা পরিচালক আবু রেজা খান ও ভাইব্রেন্ট সফটওয়্যার (বিডি) লিমিটেডের চেয়ারম্যান রকিবুল কবির নিজ নিজ প্রতিষ্ঠানের পক্ষে সমঝোতায় স্বাক্ষর করেন। সমঝোতা স্মারক অনুষ্ঠানে উপস্থিত ছিলেন তথ্য ও যোগাযোগ প্রযুক্তি (আইসিটি) প্রতিমন্ত্রী জুনাইদ আহমেদ পলক।

২০১৮ সালের মধ্যে ২৬শ' ইউনিয়নে ফাইবার অপটিক ক্যাবল : পলক

তথ্য ও যোগাযোগ প্রযুক্তি প্রতিমন্ত্রী জুনাইদ আহমেদ পলক বলেছেন, ২০১৮ সালের মধ্যে ২৬শ' ইউনিয়নকে ফাইবার অপটিক ক্যাবল সংযোগের আওতায় আনা হবে। তিনি বলেন, চীন সরকারের আর্থিক সহযোগিতায় এ প্রকল্পটি বাস্তবায়িত হবে। এ লক্ষ্যে বাংলাদেশ সরকারের সাথে চীনের এ সংক্রান্ত একটি ঋণচুক্তি শিগগিরই স্বাক্ষর হবে। প্রতিমন্ত্রী সম্প্রতি আগারগাওয়ে তথ্যপ্রযুক্তি বিভাগের অডিটোরিয়ামে সফররত চীনের এক্সিম ব্যাংকের ভাইস প্রেসিডেন্ট সান পিংয়ের নেতৃত্বাধীন ১২ সদস্যের প্রতিনিধি দলের সাথে দ্বিপাক্ষিক বৈঠক শেষে সাংবাদিকদের এসব কথা বলেন। তিনি বলেন, তথ্যপ্রযুক্তি সেবা ও ইউনিয়ন পর্যায়ের প্রান্তিক জনগণের কাছে ইন্টারনেট সেবা সহজলভ্য করতে ইনফো সরকার-৩ প্রকল্প করা গ্রহণ করা হয়েছে। এই প্রকল্পের আওতায় ১৬শ' পুলিশ অফিসের মধ্যে ভার্সুয়াল প্রাইভেট নেটওয়ার্ক স্থাপন করা হবে। এর ফলে পুলিশের নেটওয়ার্ক আরও শক্তিশালী ও নিরাপদ হবে।

জুনাইদ আহমেদ পলক বলেন, ১ হাজার ৯৯৯ কোটি ৪৯ লাখ টাকা ব্যয়ে ২০১৮ সালের মধ্যে এই প্রকল্পটি বাস্তবায়ন করা হবে। এতে ১ হাজার ২২৭ কোটি টাকা প্রকল্প সাহায্য হিসেবে অর্থায়ন করছে চীন। তিনি বলেন, ইনফো সরকার-২ প্রকল্পের আওতায় জেলা ও উপজেলা পর্যায়ের দেশের ১৮ হাজার ৩৩২টি সরকারি অফিসের মধ্যে কানেক্টিভিটি ও ৮শ' ভিডিও কনফারেন্সিং সিস্টেম স্থাপন করা হয়েছে। এই প্রকল্পের মাধ্যমে জেলা ও উপজেলা পর্যন্ত ফাইবার অপটিক ক্যাবল লাইনের মাধ্যমে কানেক্টিভিটির সম্প্রসারণ করা হয়েছে, যা ইতোমধ্যে শেষ হয়েছে।



বাজেটে প্রস্তাবিত কর পুনর্বিবেচনার দাবি অ্যামটবের

নতুন অর্থবছরের বাজেট নিয়ে অসন্তোষ জানিয়ে টেলিযোগাযোগ খাতে প্রস্তাবিত কর পুনর্বিবেচনার দাবি জানিয়েছে মোবাইল ফোন অপারেটরদের সংগঠন অ্যাসোসিয়েশন অব মোবাইল টেলিকম অপারেটরস বাংলাদেশ (অ্যামটব)। সম্প্রতি রাজধানীর একটি হোটেলে আয়োজিত সংবাদ সম্মেলনে লিখিত বক্তব্যে অ্যামটব মহাসচিব টিআইএম নুরুল কবির বলেন, 'টেলিযোগাযোগ খাতে প্রস্তাবিত কর পুনর্বিবেচনা করতে আমরা সরকারের প্রতি অনুরোধ করছি। এটা কীভাবে ব্যবসায়বান্ধব করা যায় এবং মোবাইল ফোনকে কীভাবে জনগণের সেবার জন্য আরেকটু উৎসাহিত করা যায়, সে বিষয়গুলো দেখার অনুরোধ করছি।'



সরকারের ভিশনের সাথে কর বিভাগের কোনো সমন্বয় নেই অভিযোগ করে তিনি বলেন, সরকারের মূল লক্ষ্য অর্জন করার জন্য যে কাজগুলো করা দরকার, সে কাজে বাধা হয়ে দাঁড়াচ্ছে তাদের এই ধরনের কর নীতিমালা। আমরা মনে করি হ্যান্ডসেট ও মোবাইল টেলিকম পরিকঠামোর ওপর কর বৃদ্ধি এবং সিম ট্যাক্স বাড়ানোর পদক্ষেপ টেলিযোগাযোগ সেবা ও ডাটা সেবা আরও স্বল্পব্যয় সাপেক্ষ করে তোলার পক্ষে সরকারের ডিজিটাল লক্ষ্যমাত্রার সাথে সাংঘর্ষিক। মোবাইল হ্যান্ডসেট আমদানির ওপর বাড়তি কর সমন্বয়যোগী নয় বলে মনে করে অ্যামটব। বাড়তি এ করের কারণে ইন্টারনেট ব্যবহারকারীর সংখ্যা বাড়ার ক্ষেত্রে প্রতিবন্ধকতা তৈরি করবে। ইন্টারনেট ব্যবহারের ওপর ১৫ শতাংশ ভ্যাট প্রত্যাহারের আহ্বান জানান অ্যামটব মহাসচিব। কর কমালে আরও বেশি মানুষ স্মার্টফোন ব্যবহার করবে। তারা ইন্টারনেটের আওতায় আসবে, প্রিজি ব্যবহার করতে পারবে, ফোরজিভেও আসতে পারবে। টেলিযোগাযোগ শিল্পে ৪৫ শতাংশ করপোরেট ট্যাক্স এ খাতে বৈদেশিক বিনিয়োগের প্রধান বাধা। অন্যান্য খাতের সাথে সমন্বয় করে এ খাতে করপোরেট ট্যাক্স আরোপ করার অনুরোধ জানান টিআইএম নুরুল কবির। অন্যান্য শিল্পের ক্ষেত্রে দেখা যাচ্ছে পাবলিক প্রতিষ্ঠান হিসেবে তালিকাভুক্ত কি না তার ওপর নির্ভর করে ৩০-৩৫ শতাংশ করপোরেট কর দিচ্ছে। কিন্তু এ খাতে ৪৫ শতাংশ কর দেয়ার পর ডিজিটাল ভবিষ্যতে বিনিয়োগের সম্ভাবনা বেশি থাকছে না। সংবাদ সম্মেলনে গ্রামীণফোনের চিফ করপোরেট অ্যাফেয়ার্স অফিসার মাহমুদ হোসেন, রবি আজিয়াটার চিফ পিপল অ্যান্ড করপোরেট অ্যাফেয়ার্স অফিসার মতিউল ইসলাম নওশাদ, বাংলালিংকের চিফ করপোরেট অ্যাফেয়ার্স অফিসার তাইমুর রহমান ও টেলিটকের অতিরিক্ত মহাব্যবস্থাপক সাইফুর রহমান উপস্থিত ছিলেন।

মাইক্রোসফটের কান্ট্রি পার্টনার অব দ্য ইয়ার 'আমরা'

মাইক্রোসফটের বাংলাদেশের কান্ট্রি পার্টনার অব দ্য ইয়ার অ্যাওয়ার্ড পেয়েছে আমরা টেকনোলজিস লিমিটেড। মাইক্রোসফট ডিভিডেন্ড টেকনোলজি ব্যবহার করা প্রতিষ্ঠানগুলোর উদ্ভাবন শ্রেষ্ঠত্ব ও গ্রাহকসেবায় প্রতিষ্ঠানের প্রচেষ্টা মূল্যায়নে এই অ্যাওয়ার্ড দেয়া হয়। পুরস্কার পেয়ে উচ্ছ্বসিত আমরা টেকনোলজিসের ব্যবস্থাপনা পরিচালক সৈয়দ ফরহাদ আহমেদ বলেন, মাইক্রোসফটের ২০১৭ কান্ট্রি পার্টনারের স্বীকৃতি পেয়ে আমরা গর্বিত। 'আমরা'য় আমরা 'পাওয়ার অব



উই' স্লোগানের মাধ্যমে ঐক্যবদ্ধ ও সহযোগিতায় বিশ্বাস করি। আমরা মাইক্রোসফট বাংলাদেশকে তাদের অসাধারণ সমর্থনকে ধন্যবাদ জানাতে চাই এবং গ্রাহকদের যারা আমাদের উদ্ভাবনী সেবাগুলো গ্রহণ করেছেন। বিভিন্ন ক্যাটাগরিতে ১১৫টি দেশ থেকে ২৮০০ অংশগ্রহণকারীর মধ্যে অ্যাওয়ার্ড বিতরণ করা হয়। মাইক্রোসফট কর্পোরেশনের ওয়ান কমার্শিয়াল পার্টনারের কর্পোরেট ভাইস প্রেসিডেন্ট রন হাডলসন বলেন, আমরা টেকনোলজিস লিমিটেডকে মাইক্রোসফটের কান্ট্রি পার্টনার অব দ্য ইয়ারের স্বীকৃতি দিয়ে আমরা সম্মানিত বোধ করছি। আমরা টেকনোলজিস উদ্ভাবন ও দক্ষতার মৌলিক উদাহরণ, যা আমরা মাইক্রোসফট পার্টনার কমিউনিটিতে দেখে থাকি। আমরা টেকনোলজিস দেশের শীর্ষ ইন্টারন্যাশনাল ইন্টারনেট গেটওয়ে লিমিটেড কোম্পানি। প্রতিষ্ঠানটি ব্যাংকিং ও ফিন্যান্সিয়াল খাতে বিভিন্ন উদ্ভাবনী সেবাও প্রদান করছে।

ভারতে ৫ হাজার কোটি রুপি বিনিয়োগে স্যামসাংয়ের সিদ্ধান্ত

ভারতে নতুন করে ৫ হাজার কোটি রুপি বিনিয়োগের সিদ্ধান্ত নিয়েছে দক্ষিণ কোরিয়াভিত্তিক প্রযুক্তি প্রতিষ্ঠান স্যামসাং। ভারতে এটি প্রতিষ্ঠানটির বড় অঙ্কের বিনিয়োগ বলে মনে করা হচ্ছে। স্যামসাংয়ের লক্ষ্য ২০২০ সালের মধ্যে ভারতের উত্তরপ্রদেশের নয়দা কারখানায় হ্যান্ডসেট উৎপাদনক্ষমতা দ্বিগুণ করা।

ভারতের সরকারি এক কর্মকর্তা জানান, ভারত ও বিশ্বের শীর্ষ স্মার্টফোন নির্মাতা স্যামসাং মিলে স্থানীয়ভাবে একটি উৎপাদন ও রফতানি হাব স্থাপন করতে চায়। স্যামসাংয়ের ভারতীয় কারখানা থেকে উৎপাদিত ডিভাইস ইউরোপ, মধ্যপ্রাচ্য, আফ্রিকাসহ বিশ্বের অন্য বাজারগুলোয় সরবরাহ করার লক্ষ্য নির্ধারণ করা হয়েছে। তিনি বলেন, স্যামসাং ভারতে চালু থাকা নয়দা কারখানার সক্ষমতা বাড়াতে এর পাশেই জমি অধিগ্রহণ করেছে। এতে ১ লাখ ৩০ হাজার বর্গমিটার জায়গা নিয়ে তৈরি নয়দা কারখানার আয়তন দ্বিগুণ হবে বলে মনে করা হচ্ছে।

সার্কভুক্ত দেশগুলোর মধ্যে বাংলাদেশ ইন্টারনেট ব্যবহারে এগিয়ে

বাংলাদেশ টেলিযোগাযোগ নিয়ন্ত্রণ কমিশনের (বিটিআরসি) তথ্য অনুযায়ী, চলতি বছরের ফেব্রুয়ারি মাসে বাংলাদেশের মোট ইন্টারনেট ব্যবহারকারীর সংখ্যা দাঁড়ায় ৬ কোটি ৭২ লাখ ৪৫ হাজার (৬৭.২৪৫ মিলিয়ন), যা দেশের মোট জনসংখ্যার ৪১ দশমিক ৫২ শতাংশ। এ হার সার্কভুক্ত অন্য দেশগুলোর মধ্যে বেশি। ভারতে মোট ইন্টারনেট ব্যবহারকারীর সংখ্যা ৪৬ কোটি, যা ওই দেশের মোট জনসংখ্যার ৩৪ দশমিক ৮৩ শতাংশ। শ্রীলঙ্কায় ইন্টারনেট ব্যবহারকারী সংখ্যা ৬০ দশমিক ৮৭ লাখ, যা মোট জনসংখ্যার ২৯ দশমিক ৩০ শতাংশ এবং পাকিস্তানে মোট জনসংখ্যার ১৭ দশমিক ৮১ শতাংশ মানুষ ইন্টারনেট ব্যবহার করে থাকে।

জানা গেছে, গত ৯ বছরে দেশে ইন্টারনেট ব্যবহারকারীর হার ২ দশমিক ৬৭ শতাংশ থেকে ৪১ দশমিক ৫২ শতাংশে উন্নীত হয়েছে। ২০০৮ সালে দেশে ইন্টারনেট ব্যবহারকারীর হার ছিল ২ দশমিক ৬৭ শতাংশ। চলতি বছর সরকার তথ্য, যোগাযোগ ও প্রযুক্তি খাতকে বিশেষ অগ্রাধিকার দিচ্ছে।

এ ব্যাপারে আইসিটি প্রতিমন্ত্রী জুনাইদ আহমেদ পলক বলেন, সব উপজেলাকে ফাইবার অপটিক ক্যাবলের আওতায় আনা হয়েছে। দেশের সব ইউনিয়নকে ফাইবার অপটিক ক্যাবলের আওতায় আনতে ইনফো সরকার-৩ শীর্ষক প্রকল্প চলছে। ২০২১ সালের মধ্যে এ খাত থেকে রফতানি আয় ৫ বিলিয়ন ডলারে উন্নীত করতে এবং ২০ লাখ কর্মসংস্থান তৈরির লক্ষ্যমাত্রা নির্ধারণ করা হয়েছে।

এটুআই ও ৭ বেসরকারি বিশ্ববিদ্যালয়ের মধ্যে সমঝোতা স্মারক

জনগণের দোরগোড়ায় সহজে সেবা পৌঁছে দেয়ার লক্ষ্যে তথ্যপ্রযুক্তি, উদ্ভাবন ও সেবা পদ্ধতি সহজীকরণ নিয়ে যৌথভাবে কাজ করার উদ্যোগ গ্রহণ করেছে প্রধানমন্ত্রীর কার্যালয়ের অ্যাকসেস টু ইনফরমেশন (এটুআই) প্রোগ্রাম এবং দেশের ৭টি বেসরকারি বিশ্ববিদ্যালয়। এ লক্ষ্যে গত ১ জুন প্রধানমন্ত্রীর কার্যালয়ের অ্যাকসেস টু ইনফরমেশন (এটুআই) প্রোগ্রামের আয়োজনে কার্যালয়স্থ এসএসএফ ব্রিফিং রুমে এই ৭টি বেসরকারি বিশ্ববিদ্যালয়ের সাথে এটুআই প্রোগ্রামের পৃথকভাবে সমঝোতা স্মারক স্বাক্ষর হয়েছে। এই সমঝোতা স্মারক স্বাক্ষর অনুষ্ঠানে সভাপতিত্ব করেন প্রধানমন্ত্রীর কার্যালয়ের মহাপরিচালক (প্রশাসন) ও এটুআইয়ের প্রকল্প পরিচালক কবির বিন আনোয়ার।

এটুআইয়ের পক্ষে প্রকল্প পরিচালক কবির বিন আনোয়ার, আহছানউল্লাহ বিজ্ঞান ও প্রযুক্তি বিশ্ববিদ্যালয়ের পক্ষে প্রফেসর ড. এএমএম সফিউল্লাহ, ব্র্যাক ইউনিভার্সিটির পক্ষে প্রফেসর আনসার আহমেদ, ড্যাফোডিল ইন্টারন্যাশনাল ইউনিভার্সিটির পক্ষে প্রফেসর ড. ইউসুফ মাহবুবুল ইসলাম,



ইন্ডিপেন্ডেন্ট ইউনিভার্সিটি বাংলাদেশের পক্ষে ব্রিগেডিয়ার জেনারেল (অব.) মো: আনোয়ারুল ইসলাম, নর্থ সাউথ ইউনিভার্সিটির পক্ষে প্রফেসর ড. আতিকুল ইসলাম, ইউনাইটেড ইন্টারন্যাশনাল ইউনিভার্সিটির পক্ষে প্রফেসর ড. এম রেজওয়ান খান ও ইউনিভার্সিটি অব লিবারেল আর্টস বাংলাদেশের পক্ষে প্রফেসর এইচএম জহিরুল হক নিজ নিজ প্রতিষ্ঠানের পক্ষে সমঝোতা স্মারক স্বাক্ষর করেন।

এ সমঝোতা চুক্তির আওতায় ৭টি বেসরকারি বিশ্ববিদ্যালয় এবং প্রধানমন্ত্রীর কার্যালয়ের এটুআই প্রোগ্রাম যৌথভাবে গবেষণা, প্রশিক্ষণ ও মূল্যায়ন কর্মসূচি বাস্তবায়ন এবং কৌশল নির্ধারণ করবে, যা সরকারের বিভিন্ন বিভাগ ও অধিদফতরের সেবাসমূহ জনগণের কাছে সহজে ও দ্রুত পৌঁছে দিতে সহায়ক ভূমিকা পালন করবে।

অনুষ্ঠানে কবির বিন আনোয়ার বলেন, সরকারি ও বেসরকারি প্রতিষ্ঠান যৌথভাবে কাজ করলে সরকারি সেবার মান যেমন বৃদ্ধি পাবে, তেমন জনগণের বিশেষ করে সুবিধাবঞ্চিত জনগণের সরকারি সেবা পেতে সময়, খরচ ও যাতায়াত সংখ্যাও কমবে। এই সমঝোতা স্মারক অনুষ্ঠানে ৭টি বিশ্ববিদ্যালয়ের উপাচার্য, অধ্যাপকগণ, এটুআই প্রোগ্রামের কর্মকর্তাবৃন্দ এবং বিভিন্ন গণমাধ্যমকর্মী উপস্থিত ছিলেন।



হুয়াওয়ের পণ্য বাজারজাত করছে ইউসিসি

দেশের বাজারে হুয়াওয়ের বিভিন্ন পণ্য বাজারজাত করছে দেশের অন্যতম শীর্ষস্থানীয় বাজারজাতকারী প্রতিষ্ঠান ইউসিসি। পণ্যগুলো হলো ইয়ারফোন (এএম-১১৫, এএম-১১৬, এএম-১১২ ও এএম-১৮৫), ব্লুটুথ হেডসেট (হোয়াইট-এএম০৭), পাওয়ার ব্যাংক (এপি-০০৭, এপি-০০৬এল), কুইক চার্জার, ওটিজি ক্যাবল ও সেলফি স্টিক। যোগাযোগ : ০১৮৩৩৩৩১৬৩২

গিগাবাইটের গেমিং মাদারবোর্ড



স্মার্ট টেকনোলজিস বাজারে এনেছে গিগাবাইট ব্র্যান্ডের জিএ-জেড২৭০ গেমিং ৫ মাদারবোর্ড। ইন্টেল

যষ্ঠ ও সপ্তম প্রজন্মের প্রসেসরের সমর্থিত এই মাদারবোর্ডে রয়েছে ডুয়াল চ্যানেল নন-ইসিসি আনবাকারড ডিডিআর৪ র‍্যাম স্লট, ফাস্ট ইউএসবি ৩.১, ত্রিমাত্রিক গ্রাফিক্স সাপোর্ট, এসএসডি স্লট, এনভিএমই পিসিআইই কানেক্টর, ডুয়াল আল্ট্রা ফাস্ট এম ২ ও সাটা ইন্টারফেস, সাউন্ড ব্লাস্টার, কিলার ই২৫০০ গেমিং নেটওয়ার্ক, ইন্টেল গিগাবিট ল্যান ও ডুয়াল বায়োসসহ অসংখ্য ফিচার। মাদারবোর্ডটিতে তিন বছরের বিক্রয়োত্তর সেবা পাবেন একজন ক্রেতা। যোগাযোগ : ০১৭৩০৭০১৯৮৩

চুয়েট আইটি বিজনেস ইনকিউবেটর প্রকল্প একনেকে অনুমোদন

বিশ্ববিদ্যালয়ের স্নাতকদেরকে উদ্যোক্তা হিসেবে গড়ে তুলতে সহায়তা প্রদান, বিশ্ববিদ্যালয়ের একাডেমিক কার্যক্রমকে শিল্পের চাহিদানুসারে তৈরি করার মাধ্যমে কার্যকর সংযোগ স্থাপন, বিশ্ববিদ্যালয়ের অনুষদ এবং শিক্ষার্থীদের জন্য গবেষণা ও উদ্ভাবনী কার্যক্রমের সুযোগ সৃষ্টি এবং ভৌত অবকাঠামো ও আনুষঙ্গিক সুবিধাদি তৈরি করার লক্ষ্যে গৃহীত চুয়েট আইটি বিজনেস ইনকিউবেটর স্থাপন প্রকল্পটি অনুমোদন দিয়েছে জাতীয় অর্থনৈতিক পরিষদের নির্বাহী কমিটি (একনেক)। সম্প্রতি রাজধানীর শেরেবাংলা নগরে এনইসি সম্মেলন কক্ষে একনেক চেয়ারম্যান ও প্রধানমন্ত্রী শেখ হাসিনার সভাপতিত্বে জাতীয় অর্থনৈতিক পরিষদের নির্বাহী কমিটির সভায় আরও ১০টি প্রকল্পের পাশাপাশি চট্টগ্রাম প্রকৌশল ও প্রযুক্তি বিশ্ববিদ্যালয়ে 'আইটি বিজনেস ইনকিউবেটর স্থাপন' প্রকল্পটি অনুমোদন দেয়া হয়। প্রকল্পের আওতায় ১০ তলার ভিত্তিসহ ৭ তলা পর্যন্ত ইনকিউবেশন ভবন, যার প্রতি ফ্লোরে ৫ হাজার বর্গফুট করে মোট ৩৫ হাজার বর্গফুট স্পেস থাকবে; ৬ তলা ভিত্তিসহ ৪ তলা পর্যন্ত ২টি ডরমেটরি ভবন, যার প্রতি ফ্লোরে ৫ হাজার করে দুটি ভবনে মোট ৪০ হাজার বর্গফুট এবং ৮ তলা ভিত্তির ৬ তলা পর্যন্ত মাল্টিপারপাস প্রশিক্ষণ ভবন, যার প্রতি ফ্লোরে ৬ হাজার বর্গফুট করে মোট ৩৬ হাজার বর্গফুট স্পেস থাকবে।

তথ্য ও যোগাযোগ প্রযুক্তি বিভাগের আওতাধীন বাংলাদেশ হাইটেক পার্ক এই প্রকল্পটি বাস্তবায়ন করবে। সম্পূর্ণ জিওবি অর্থায়নে ৭৬.৯১ কোটি টাকা প্রাক্কলিত ব্যয়ে জুলাই ২০১৬ থেকে জুন ২০১৯ পর্যন্ত মেয়াদে প্রকল্পটি বাস্তবায়িত হবে। প্রকল্পটি বাস্তবায়নের মাধ্যমে দেশীয় আইটি খাতে সফল উদ্যোক্তা তৈরিতে ভূমিকা রাখবে ও বিশ্ববিদ্যালয় পর্যায়ে উদ্ভাবনী কার্যক্রম উৎসাহিত হবে। ফলে আইটি শিল্পে বিশ্বব্যাপী বাংলাদেশের সুযোগ আরও অব্যাহত হওয়ার মাধ্যমে তথ্যপ্রযুক্তি খাতের আয় প্রশংসিত মাত্রা অর্জন করতে সক্ষম হবে

এইচপি ল্যাপটপ বিক্রি করে স্মার্ট টেকনোলজিসের ব্যবসায়িক পার্টনারদের মালয়েশিয়া ভ্রমণ

এইচপির পরিবেশক স্মার্ট টেকনোলজিসের মাধ্যমে ল্যাপটপে কিনে বিক্রির লক্ষ্যমাত্রা অর্জনকারী ১৬ ব্যবসায়িক পার্টনার ও দুইজন আইসিটি সাংবাদিককে নিয়ে সম্প্রতি মালয়েশিয়া ভ্রমণ সম্পন্ন হয়েছে। মালয়েশিয়ার সমুদ্র তীরবর্তী শহর লঙ্কাউ এবং রাজধানী কুয়ালালামপুরের দর্শনীয় স্থান পরিদর্শন করেন পার্টনারেরা। মালয়েশিয়া ভ্রমণে সুযোগ পাওয়া প্রতিনিধিগুলোর প্রতিষ্ঠান হচ্ছে— এরিস্টো কমপিউটার, এআরকে কমপিউটার সিস্টেম, চিপস অ্যান্ড বাইটস, কবিতস কমপিউটার, ক্রিয়েটিভস কমপিউটার, গ্লোবাল টাচ, ইন্টার ওয়েভ কমপিউটার, জননী কমপিউটার, জেইএস



কমপিউটার, লোটাস কমপিউটার, এমএম কমপিউটার, নিউ টেক কম, পিকজেলস (প্রা:) লিমিটেড, সিগেট টেকনোলজি, স্মার্টভিউ কমপিউটার অ্যান্ড ইলেকট্রনিক ও এসআর ল্যাপটপ শোরুম। ভ্রমণে সুযোগ পাওয়া দুইজন সাংবাদিক হচ্ছেন— মাসিক কমপিউটার জগৎ-এর সহকারী সম্পাদক মোহাম্মদ আবদুল হক অনু ও দৈনিক আমাদের সময় পত্রিকার মো: ওয়াশিকুর রহমান শাহীন। এছাড়া এইচপি বাংলাদেশের বিজনেস ডেভেলপমেন্ট ম্যানেজার আদিল রুবায়েত, স্মার্ট টেকনোলজিসের বিক্রয় ও বিপণন মহাব্যবস্থাপক মুজাহিদ আল বেরুনী সূজনসহ উর্ধ্বতন কর্মকর্তাবৃন্দ



'আই-লাইফ' ব্র্যান্ডের নতুন ল্যাপটপ!

যুক্তরাষ্ট্রভিত্তিক ব্র্যান্ড 'আই-লাইফ' দেশের বাজারে 'জেড এয়ার মিনি' ল্যাপটপের সাথে ফ্রি পোলো শার্ট দিচ্ছে। ১০.৬ ইঞ্চি আইপিএস ডিসপ্লের এই ল্যাপটপটিতে রয়েছে পাওয়ারফুল ইন্টেল প্রসেসর ও জেনুইন উইন্ডোজ ১০ অপারেটিং সিস্টেম। এই বাজেট ল্যাপটপটি দিয়ে প্রয়োজনীয় সব ধরনের কাজ করা যাবে। মাইক্রোসফট অফিস, অটো ক্যাড ও ফটোশপ সাপোর্ট করে। অফিসের গুরুত্বপূর্ণ ই-মেইল, প্রেজেন্টেশন, দ্রুতগতির ইন্টারনেট ব্রাউজিং, এইচডি মুভি দেখাসহ সব ধরনের কাজ করা যাবে। ২ জিবি মেমরি, ৩২ জিবি ইন্টারনাল স্টোরেজের ল্যাপটপটির স্টোরেজ এসডি কার্ড দিয়ে বাড়ানো যাবে। সব ধরনের এক্সটারনাল ডিভাইস ও হার্ডডিস্ক সাপোর্ট করবে। ৯০০ গ্রাম ওজনের এই স্লিম ল্যাপটপটি সহজে বহনযোগ্য। আকর্ষণীয় ডিজাইনের এই ল্যাপটপটি সিলভার, গ্রে ও পিংক কালারে পাওয়া যাচ্ছে। এই ল্যাপটপটি রাইয়াস কমপিউটারস (আইডিবি ভবন, উত্তরা, মাল্টিপ্ল্যান সেন্টার, ইস্টার্ন প্লাস, চট্টগ্রাম, রংপুর, রাজশাহী, বগুড়া, ময়মনসিংহ), স্টার টেক (মাল্টিপ্ল্যান সেন্টার, রংপুর) এবং কমপিউটার ভিলেজের (মতিবিল, চট্টগ্রামের আত্মবাদ, সেন্ট্রাল শপিং সেন্টার জিইসি মোড়) সব শোরুমে পাওয়া যাচ্ছে। যোগাযোগ : ০১৮৪৭০৫২০৭৯

দেশের বাজারে এইচপি ওমেন ল্যাপটপ

দেশের বাজারে ওমেন সিরিজের দুটি মডেলের ল্যাপটপ উদ্বোধন করেছে এইচপি। সম্প্রতি রাজধানীর একটি হোটেলে আনুষ্ঠানিকভাবে ১৫-এক্স ২২০ টিএক্স ও ২২১ টিএক্স মডেলের ল্যাপটপ দুটির মোড়ক উন্মোচন করা হয়ে। অনুষ্ঠানে উপস্থিত ছিলেন এইচপির পরিবেশক স্মার্ট টেকনোলজিসের ব্যবস্থাপনা পরিচালক



মোহাম্মদ জহিরুল ইসলাম, পরিচালক জাফর আহমেদ, মহাব্যবস্থাপক মুজাহিদ আল বেরুনী সূজন, এইচপির ক্যাটাগরি ম্যানেজার, নোটবুক, এশিয়া ইমার্জিং কান্ট্রি সামান্সা গুই, এইচপি বাংলাদেশের কান্ট্রি ম্যানেজার ইমরুল হোসেন উইয়া ও এইচপি ব্যবসায় উন্নয়ন ব্যবস্থাপক সালাউদ্দিন মোহাম্মদ আদেল প্রমুখ। বাংলাদেশের বাজারে এইচপি ওমেন ল্যাপটপ এককভাবে পরিবেশন করবে স্মার্ট টেকনোলজিস।

ফোর্বসের শীর্ষ ১০০ ব্র্যান্ডের তালিকায় ছয়াওয়ে



‘ওয়ার্ল্ডস মোস্ট ভ্যালুয়েবল ব্র্যান্ড ২০১৭’ তালিকা প্রকাশ করেছে ফোর্বস। বিশ্বের ২শ’র বেশি ব্র্যান্ডের মূল্যায়ন করে শীর্ষ ১শ’ ব্র্যান্ডের নাম ঘোষণা করা হয়েছে। বিশ্বের জনপ্রিয় প্রযুক্তিভিত্তিক ব্র্যান্ডগুলো উক্ত তালিকায় শীর্ষস্থান দখল করে নিয়েছে, যার মধ্যে ৮৮তম অবস্থানে রয়েছে ছয়াওয়ে। ব্র্যান্ডের মূল্যায়নই হচ্ছে যেকোনো ব্র্যান্ডের জন্য গ্রাহকের চাহিদা পূরণ ও মূল্য নির্ধারণের ক্ষমতা অর্জনের মূল বিষয়। ছয়াওয়ের ব্র্যান্ড ভ্যালুর পরিমাণ ৭.৩ বিলিয়ন মার্কিন ডলার, যা সম্ভব হয়েছে বিশ্ববাজারে প্রতিষ্ঠানটির ব্যবসায়ের প্রবৃদ্ধির কারণে। এ ছাড়া স্মার্টফোনের গ্লোবাল মার্কেট শেয়ারের ৯.৩ শতাংশ দখল করে রাখায় ছয়াওয়ে ব্র্যান্ডটি কনজুমার বিজনেসের তালিকায় তিন নম্বরে উঠে এসেছে। চলতি বছরের ২৬ ফেব্রুয়ারি উন্মোচনের পর বর্তমানে বিশ্বব্যাপী ৩০টি মার্কেটে দুর্দান্ত ফটোগ্রাফির সুবিধা থাকায় জনপ্রিয়তা পাচ্ছে ছয়াওয়ের ফ্ল্যাগশিপ মডেল পি১০ সিরিজ। ফোর্বস ছাড়াও ইন্টারব্র্যান্ডের শীর্ষ গ্লোবাল ব্র্যান্ড ২০১৬-এর তালিকায় ৭২তম স্থানে এবং ব্র্যান্ডজির শীর্ষ ১শ’ ভ্যালুয়েবল গ্লোবাল ব্র্যান্ডের তালিকায় ৫০তম স্থানে উঠে এসেছে ছয়াওয়ে।

লক্ষাবাংলা ও এসএসএল ওয়ারলেসের মধ্যে চুক্তি স্বাক্ষর

লক্ষাবাংলা সিকিউরিটিজ লিমিটেড ও এসএসএল ওয়ারলেসের মধ্যে এসএসএল কমার্সের মাধ্যমে অনলাইন পেমেন্ট সেবাদান সম্পর্কিত এক চুক্তি স্বাক্ষর হয়েছে। লক্ষাবাংলা সিকিউরিটিজ লিমিটেডের ব্যবস্থাপনা পরিচালক নাসির উদ্দিন চৌধুরী, প্রধান নির্বাহী কর্মকর্তা খন্দকার সাফফাত রেজা, প্রধান প্রযুক্তি কর্মকর্তা এসএআর মুইনুল ইসলাম, এসএসএল ওয়ারলেসের প্রধান পরিচালন কর্মকর্তা আশীষ চক্রবর্তী, হেড অব ই-কমার্স মোহাম্মদ নাওয়াজ আসকিন, হেড অব ব্যাংকিং সার্ভিসেস সাউদ বনি জাহান, সহকারী ব্যবস্থাপক মোহাম্মদ মাসুদজ্জামানসহ উভয় প্রতিষ্ঠানের



উর্ধ্বতন কর্মকর্তারা চুক্তি স্বাক্ষর অনুষ্ঠানে উপস্থিত ছিলেন। বাংলাদেশে প্রথমবারের মতো লক্ষাবাংলা সিকিউরিটিজই গ্রাহকদের অনলাইন পেমেন্ট সেবাদানের কার্যক্রম শুরু করেছে। এই সেবার মাধ্যমে গ্রাহকেরা ই-কমার্স প্ল্যাটফর্ম ব্যবহার করে অতি সহজেই অনলাইনে টাকা জমা করতে পারবেন। সেবাটি মাল্টি ফ্যাক্টর অথেনটিকেশন (এমএফএ), সিকিউরড সকেট লেয়ার (এসএসএল) ও এনক্রিপটেড ক্রেডেনশিয়ালসের মতো অত্যাধুনিক প্রযুক্তি প্রয়োগের মাধ্যমে গ্রাহকদের ব্যক্তিগত তথ্যের সর্বাধিক সুরক্ষা দিতে সক্ষম হবে।

দেশে কার্যক্রম শুরু করেছে বাংলাদেশ পিকেআই ফোরাম

দেশে কার্যক্রম শুরু করেছে বাংলাদেশ পিকেআই ফোরাম। নতুন এই ‘বাংলাদেশ পাবলিক কী ইনফ্রাস্ট্রাকচার’ (পিকেআই) ফোরাম সম্পর্কে অবহিত করতে গত ৭ জুন রাজধানীর ঢাকা ক্লাবে এক সংবাদ সম্মেলনের আয়োজন করা হয়। এ সময় জানানো হয়, নবগঠিত এই ফোরামটি ইতোমধ্যে এশিয়া পিকেআই কনসোর্টিয়ামেরও প্রিন্সিপাল মেম্বর মনোনীত হয়েছে। গত ২৪ মে চীনের ফুজোও অনুষ্ঠিত এশিয়া পিকেআই কনসোর্টিয়ামে বাংলাদেশ এই সদস্য পদ লাভ করে। সংবাদ সম্মেলনে বাংলাদেশ পিকেআই ফোরামের সভাপতি একেএম শামসুদ্দোহা জানান, মূলত বাংলাদেশে তথ্যপ্রযুক্তি সংক্রান্ত বেসিক নিরাপত্তা ইস্যুগুলো নিয়ে কাজ করবে বাংলাদেশ পিকেআই ফোরাম। তিনি জানান, সরকারের কন্ট্রোলার অব সার্টিফাইং অথরিটি (সিসিএ) এ পর্যন্ত ৬টি লাইসেন্স ইস্যু করেছে। এই ৬টি কোম্পানি বাংলাদেশ পিকেআই ফোরামের সদস্য। এ ছাড়া শিক্ষাবিদ ও পেশাজীবীরাও এই ফোরামের সদস্য রয়েছেন। সংবাদ সম্মেলনে উপস্থিত ছিলেন ইলেকট্রনিক স্বাক্ষর সার্টিফিকেট প্রদানকারী



কর্তৃপক্ষের (সিসিএ) কন্ট্রোলার আবুল মনসুর মোহাম্মদ শরফুদ্দিন, ডেপুটি কন্ট্রোলার আবদুল্লাহ আল-মামুন ফারুক, বাংলাদেশ প্রকৌশল বিশ্ববিদ্যালয়ের (বুয়েট) কমপিউটার বিজ্ঞান ও প্রকৌশল ডিপার্টমেন্টের ডিন অধ্যাপক ড. মো: কায়কোবাদ, ঢাকা বিশ্ববিদ্যালয়ের কমপিউটার বিজ্ঞান ও প্রকৌশল বিভাগের অধ্যাপক এবং সাবেক বিভাগীয় প্রধান অধ্যাপক ড. সুরাইয়া পারভীন, পিকেআই ফোরামের সাধারণ সম্পাদক ও ডাটাএজ লিমিটেডের ব্যবস্থাপনা পরিচালক আশিফজ্জামান প্রমুখ।

সংবাদ সম্মেলনে জানানো হয়, সরকার ই-টেভারিং, কাস্টমস ক্রিয়ারিং ডকুমেন্টস, জয়েন্ট স্টক কোম্পানির রিটার্ন জমা, আয়কর রিটার্ন, ন্যাশনাল আইডি স্মার্টকার্ড ইত্যাদি কাজে পিকেআই কার্যকর করতে আত্মী। কিন্তু বাস্তবতা হচ্ছে ২০১২ সালে সার্টিফাইং অথরিটি কার্যক্রম শুরু করলেও এখনও পর্যন্ত সরকারি পর্যায়েও এর কোনো উল্লেখযোগ্য ব্যবহার নেই। এখনও পর্যন্ত প্রায় ৫৫ হাজারের মতো ডিজিটাল সার্টিফিকেট ইস্যু করা হয়েছে। বর্তমান সময়ে দিন দিন সাইবার হামলার আশঙ্কা বাড়ছে। এ প্রেক্ষিতে ডিজিটাল সার্টিফিকেট অত্যন্ত গুরুত্বপূর্ণ একটি বিষয় বলে সংবাদ সম্মেলনে অভিমত প্রকাশ করা হয়।

ওয়ালটন প্রিমো জি৭-এর উন্নত সংস্করণ বাজারে



স্মার্টফোন প্রিমো 'জি৭ প্লাস' বাজারে ছেড়েছে ওয়ালটন। এটি 'জি৭' মডেলের উন্নত সংস্করণ। ওয়ালটনের সেলুলার ফোন গবেষণা ও উন্নয়ন বিভাগের ডেপুটি ডিরেক্টর আরিফুল হক রায়হান জানান, প্রিমো জি৭ বাজারে আসার পরপরই ব্যাপক সাড়া ফেলে। বিশেষ করে অ্যান্ড্রয়েডের সবচেয়ে আকর্ষণীয় ও উন্নত সংস্করণ নুগাট পরিচালিত হওয়ায় ফোনটি প্রযুক্তিপ্রেমীদের কাছে দারুণভাবে সমাদৃত হয়। গ্রাহক চাহিদাকে প্রাধান্য দিয়ে র‍্যাম, স্টোরেজ ও রিয়ার ক্যামেরাসহ বেশ কিছু ফিচার বাড়িয়ে নতুন মডেলটি বাজারে ছাড়া হয়েছে। জানা গেছে, ওয়ালটনের নতুন এই হ্যান্ডসেটে ব্যবহার হয়েছে ৫.৫ ইঞ্চির আইপিএস এইচডি প্রযুক্তির ২.৫ডি কার্ড (বাকানো) গ্লাসের ডিসপ্লে। এতে ১৬.৭ মিলিয়ন কালার সাপোর্টেড ১২৮০ বাই ৭২০ রেজুলেশনের পর্দা থাকায় পাওয়া যাচ্ছে স্পষ্ট ও জীবন্ত ছবি। ২.৫ডি কার্ড গ্লাস ডিসপ্লে প্যানেল ব্যবহারের ফলে স্ক্রিনটাতে গ্রাহক আরও বেশি স্বচ্ছন্দ্যবোধ করবেন। মিরো ভিশন ডিসপ্লে প্রযুক্তি ব্যবহার করায় ছবি ও ভিডিওর কালার হবে ভাইব্রেন্ট ও বৈচিত্র্যময়। মাল্টি-উইন্ডো প্রযুক্তি থাকায় একই সাথে ডিসপ্লেতে একাধিক অ্যাপস ব্যবহার করা যাবে। ডিসপ্লেকে আঘাত ও আচড় থেকে সুরক্ষা দিতে থাকছে কর্নিং গরিলা গ্লাস ২। উন্নত পারফরম্যান্সের জন্য জি৭ প্লাসে ব্যবহার হয়েছে ১.৩ গিগাহার্টজ গতির কোয়ালকম প্রসেসর। ২ গিগাবাইট র‍্যাম। গ্রাফিক্স থাকছে মালি-৪০০। ১৬ গিগাবাইট স্টোরেজ। সুবিধা রয়েছে ৬৪ জিবি পর্যন্ত বর্ধিত মেমরি ব্যবহারের। নতুন এই স্মার্টফোন ছাড়াও দেশের সব ওয়ালটন প্লাজা ও ব্র্যান্ডেড আউটলেটে শূন্য শতাংশ ইন্টারেস্টে ৬ মাসের ইএমআই সুবিধায় কেনা যাচ্ছে যেকোনো মডেলের ওয়ালটন স্মার্টফোন। একই সাথে ১২ মাসের কিস্তি সুবিধাও রয়েছে।

ই-কমার্সে একসাথে কাজ করবে এটুআই ও ই-ক্যাব

সিটি করপোরেশন, পৌরসভা ও ইউনিয়ন ডিজিটাল সেন্টারের উদ্যোক্তাদের মধ্যে ই-কমার্স নিয়ে সচেতনতা তৈরি করতে সম্প্রতি অ্যাকসেস টু ইনফরমেশন (এটুআই) কর্মসূচি এবং ই-কমার্স অ্যাসোসিয়েশন অব বাংলাদেশের (ই-ক্যাব) মধ্যে একটি সমঝোতা চুক্তি হয়েছে। এর আওতায় সারাদেশে ই-কমার্স 'ইকোসিস্টেম' গড়ে তোলা হচ্ছে। সমঝোতা চুক্তি হওয়ার ফলে এখন থেকে ই-কমার্স বাস্তবায়নের বিষয়ে প্রচার-প্রচারণা, সচেতনতা তৈরি, বিভিন্ন প্রশিক্ষণ এবং কারিগরি সহায়তা



দিতে এটুআই ও ই-ক্যাব যৌথভাবে কাজ করবে। এ ছাড়া ই-কমার্স নীতিমালা প্রণয়ন ও বিভিন্ন গবেষণা কার্যক্রম পরিচালনা করবে তারা। সমঝোতা চুক্তিতে প্রধানমন্ত্রীর কার্যালয়ের মহাপরিচালক (প্রশাসন) ও এটুআইয়ের প্রকল্প পরিচালক কবির বিন আনোয়ার এবং ই-ক্যাবের সভাপতি রাজিব আহমেদ সই করেন। এ সময় এটুআইয়ের নীতিমালা উপদেষ্টা আনীর চৌধুরী, ই-ক্যাবের সাধারণ সম্পাদক আবদুল ওয়াহেদ তমাল ও অর্থ পরিচালক মোহাম্মদ আবদুল হক অনু উপস্থিত ছিলেন।

ঢাকায় ওয়ার্ডপ্রেসের ১৪তম বর্ষপূর্তি উদযাপন

জনপ্রিয় ওয়েব কনটেন্ট ম্যানেজমেন্ট সিস্টেম (সিএমএস) ওয়ার্ডপ্রেসের ১৪তম বর্ষপূর্তি উদযাপন করল ওয়ার্ডপ্রেস ঢাকা কমিউনিটি। সম্প্রতি রাজধানীর মোহাম্মদপুরে একটি রেস্টুরেন্টে বর্ষপূর্তি উদযাপন অনুষ্ঠানের আয়োজন করা হয় কমিউনিটির পক্ষ থেকে। ওয়ার্ডপ্রেসের ১৪ বছরে পদার্পণ উপলক্ষে বিশ্বের বিভিন্ন দেশে একযোগে বিভিন্ন মিটআপ ও সম্মেলন আয়োজন করে ওয়ার্ডপ্রেস কমিউনিটি। ওয়ার্ডপ্রেস ডেভেলপার, ব্যবহারকারীসহ ওয়ার্ডপ্রেসে উৎসাহী নানা পেশার লোকজন এতে অংশ নেন। অনুষ্ঠানে অংশগ্রহণকারীরা কেব কেটে ওয়ার্ডপ্রেসের ১৪তম বর্ষপূর্তি উদযাপন করেন এবং ওয়ার্ডপ্রেসের শুভ কামনা জানিয়ে শুভেচ্ছা বার্তা পাঠান। অনুষ্ঠানে প্রধান অতিথি ছিলেন ই-কমার্স অ্যাসোসিয়েশন অব বাংলাদেশের (ই-ক্যাব) সভাপতি রাজিব আহমেদ। তিনি জানান, ওয়ার্ডপ্রেসের ১৪তম বর্ষপূর্তি উদযাপন অনুষ্ঠানে উপস্থিত থাকতে পেরে আমি অত্যন্ত আনন্দিত। আমি ২০০৬ সাল থেকে ওয়ার্ডপ্রেস ব্যবহার করি প্রফেশনাল ব্লগিংয়ের জন্য। এ ছাড়া ই-ক্যাবে আমাদের অনেক সদস্য প্রতিষ্ঠানের ওয়েবসাইট ওয়ার্ডপ্রেসে ডেভেলপ করা। কাজেই আমি মনে করি, এটিই সঠিক সময় ছিল ঢাকাতে ওয়ার্ডপ্রেসের একটি অফিসিয়াল কমিউনিটি গড়ে ওঠার। পাশাপাশি ক্যারিয়ার গড়ে তোলার জন্য ওয়ার্ডপ্রেস খুবই ফলপ্রসূ একটি মাধ্যম। ওয়ার্ডপ্রেসের ১৪তম বর্ষপূর্তিতে অনেক অনেক শুভেচ্ছা ও শুভ কামনা জানাচ্ছি।

জাতিসংঘের টেকনোলজি ব্যাংকে সোনিয়া বশির কবির

জাতিসংঘের টেকনোলজি ব্যাংকের গর্ভনিং কাউন্সিলে মাইক্রোসফট বাংলাদেশ লিমিটেডের ব্যবস্থাপনা পরিচালক সোনিয়া বশির কবিরকে বিশেষজ্ঞ হিসেবে নিয়োগ দেয়া হয়েছে।



স্বল্পোন্নত দেশগুলোর (এলডিসি) জন্য টেকনোলজি ব্যাংকের হয়ে কাজ করবেন সোনিয়া বশির কবির। এলডিসি আওতাভুক্ত দেশসহ বিশ্বের বিভিন্ন দেশ থেকে টেকনোলজি ব্যাংকে মোট ১২ জন বিশেষজ্ঞ নিয়োগ

দিয়েছেন জাতিসংঘের সাবেক মহাসচিব বান কি মুন। সোনিয়া এতে বাংলাদেশের প্রতিনিধিত্ব করবেন। বিজ্ঞান, প্রযুক্তি ও উদ্ভাবন এবং মেধাস্বত্ব- এ দুটি বিভাগ নিয়ে কাজ করার পরামর্শ দেয়া হয়েছে তাকে। এ কাজের জন্য তিনি কোনো সম্মানী পাবেন না। তবে টেকনোলজি ব্যাংকের কাজের জন্য ভ্রমণ ও আনুষঙ্গিক খরচ জাতিসংঘের নীতিমালা অনুযায়ী দেয়া হবে বলে জানা যায়।

আজকেরডিল ও বিডি জবসের সাথে শিওর ক্যাশের চুক্তি

অনলাইন মার্কেটপ্লেস আজকেরডিল ডটকম ও দেশের শীর্ষস্থানীয় অনলাইন চাকরির মার্কেটপ্লেস বিডিজবস ডটকমের মোবাইল ব্যাংকিং ও মোবাইল পেমেন্ট সেবা দেবে শিওর ক্যাশ। এ নিয়ে প্রতিষ্ঠানগুলোর মধ্যে একটি চুক্তি সই হয়েছে। সম্প্রতি এক সংবাদ বিজ্ঞপ্তিতে এ তথ্য জানানো হয়েছে। এতে বলা হয়েছে, এই চুক্তির



আওতায় আজকেরডিল ডটকম থেকে যেকোনো প্রোডাক্ট ও বিডিজবস ডটকমের যেকোনো সার্ভিস শিওর ক্যাশের যেকোনো গ্রাহক তাদের ওয়ালেট ব্যবহার করে কিনতে পারবেন এবং শিওর ক্যাশের দেড় কোটিরও বেশি মোবাইল ওয়ালেট থেকে এ সেবা পাওয়া যাবে। এ বিষয়ে আজকেরডিল ও বিডিজবসের প্রধান নির্বাহী ফাহিম মার্শরুর বলেন, এই চুক্তির ফলে দেশের প্রত্যন্ত অঞ্চলের ইন্টারনেট ব্যবহারকারীরা মোবাইল পেমেন্ট করে ই-কমার্সের মাধ্যমে কেনাকাটা করার সুযোগ পাবেন। শিওর ক্যাশের সিইও ড. শাহাদতউল্লাহ খান বলেন, শিওর ক্যাশ ইতোমধ্যেই দেশের সব জেলা-উপজেলায় তার এজেন্ট নেটওয়ার্ক তৈরি করেছে ও খুব শিগগিরই ই-কমার্সের মতো আরও অনেক ধরনের পেমেন্ট শিওর ক্যাশের মাধ্যমে করা যাবে।

চুক্তি স্বাক্ষর অনুষ্ঠানে আজকেরডিল ও বিডিজবসের শীর্ষ কর্মকর্তারা উপস্থিত ছিলেন।

মাইক্রোল্যাব পণ্যের পরিবেশক স্মার্ট টেকনোলজিস

দেশের বাজারের জন্য বিশ্বখ্যাত মাল্টিমিডিয়া স্পিকার ব্র্যান্ড মাইক্রোল্যাবের অফিসিয়াল চ্যানেল ডিস্ট্রিবিউটর হয়েছে দেশের শীর্ষস্থানীয় আইটি হার্ডওয়্যার প্রতিষ্ঠান স্মার্ট টেকনোলজিস। সম্প্রতি মাইক্রোল্যাব ইলেকট্রনিক্স বাংলাদেশের বাজারে তার ব্যবসায়, চ্যানেল কভারেজ ও দৃশ্যমান উপস্থিতি বাড়াবার সিদ্ধান্ত নেয়। এরই ধারাবাহিকতায় মাইক্রোল্যাব ইলেকট্রনিক্স বাংলাদেশের অন্যতম বৃহৎ পরিবেশক প্রতিষ্ঠান হিসেবে স্মার্ট টেকনোলজিসকে কয়েক মাস আগে চীনের শেনজেনে তাদের প্রধান কার্যালয়ে ব্যবসায়িক আলোচনার জন্য আমন্ত্রণ জানায়। দুই প্রতিষ্ঠানের মধ্যকার ফলপ্রসূ আলোচনার ভিত্তিতে গত মে মাস থেকে বাংলাদেশের বাজারে মাইক্রোল্যাবের চ্যানেল ডিস্ট্রিবিউটর হিসেবে স্মার্ট টেকনোলজিসকে নিযুক্ত করা হয়।



সাইবার হামলা থেকে রক্ষা পেতে আইসিটি বিভাগের নির্দেশনা

তথ্য ও যোগাযোগ প্রযুক্তি (আইসিটি) বিভাগ বিশ্বব্যাপী এখন সাইবার হামলার আতঙ্ক বেড়ে যাওয়ায় চলমান হামলা থেকে নিজেদের রক্ষার জন্য কিছু নির্দেশনা মেনে চলতে সংশ্লিষ্ট ব্যক্তি ও প্রতিষ্ঠানগুলোকে নির্দেশ দিয়েছে। আইসিটি জানায়, র্যানসমওয়্যার ভাইরাস ক্রিপ্টের মাধ্যমে বিশ্বব্যাপী সাইবার হামলা চালানো হয়েছে। সম্প্রতি এক সংবাদ বিজ্ঞপ্তিতে আইসিটি বিভাগ এই হামলা থেকে রক্ষা পেতে প্রয়োজনীয় ডাটা ব্যাকআপ সফটওয়্যার নিয়মিত হালনাগাদ করাসহ কয়েকটি পরামর্শ দিয়েছে। এতে ডাটা রেগুলার ব্যাকআপ নিতে ও নিরাপদে অন্য কোথাও রেখে দিতে বলা হয়। উইন্ডোজচালিত কমপিউটার হালনাগাদ করতে বলা হয়েছে। অজ্ঞাত উৎস থেকে র্যানসমওয়্যার টুল ডাউনলোড করা যাবে না। এতে নতুন করে সাইবার হামলা হতে পারে। অযাচিত বা সন্দেহজনক ঠিকানা হতে আসা ই-মেইলের সোর্স যাচাই না করা পর্যন্ত সেগুলোর ভেতরে থাকা লিঙ্কগুলোতে ক্লিক করা উচিত নয়। সর্বদা সিস্টেমে একটি সক্রিয় হালনাগাদ অ্যান্টি-সিকিউরিটিতে সুচ চালু রাখতে হবে।

ইজেনারেশন ও ইউনাইটেড ইউনিভার্সিটির মধ্যে প্রযুক্তি গবেষণা চুক্তি সই

বাংলাদেশের অন্যতম শীর্ষস্থানীয় সফটওয়্যার কোম্পানি ইজেনারেশন লিমিটেড ও ইউনাইটেড ইন্টারন্যাশনাল ইউনিভার্সিটির মধ্যে সম্প্রতি একটি গবেষণা চুক্তি স্বাক্ষর হয়েছে। সমঝোতা স্মারক অনুযায়ী প্রতিষ্ঠান দুটি নিত্যনতুন প্রযুক্তি নিয়ে গবেষণা ও উন্নয়নে একত্রে কাজ করবে। ইউনাইটেড ইন্টারন্যাশনাল ইউনিভার্সিটির ধানমন্ডি ক্যাম্পাসে অনুষ্ঠিত এই চুক্তি স্বাক্ষর অনুষ্ঠানে উপস্থিত ছিলেন শামীম আহসান, চেয়ারম্যান, ইজেনারেশন গ্রুপ; এসএম আশরাফুল ইসলাম, এক্সিকিউটিভ ভাইস চেয়ারম্যান, ইজেনারেশন গ্রুপ; মনোয়ার হোসেন খান, চিফ বিজনেস ডেভেলপমেন্ট অফিসার, ইজেনারেশন লিমিটেড; এমরান আবদুল্লাহ, হেড অব অপারেশন, ইজেনারেশন লিমিটেড; মো:



আকছাদুর রহমান, প্রোগ্রাম ম্যানেজার, ইজেনারেশন লিমিটেড; ইউনাইটেড ইন্টারন্যাশনাল ইউনিভার্সিটির ভাইস চ্যান্সেলর অধ্যাপক ড. এম রেজওয়ান খান, প্রো ভাইস চ্যান্সেলর অধ্যাপক ড. চৌধুরী মফিজুর রহমান, সহযোগী অধ্যাপক ড. সালেহুল ইসলাম (বিভাগীয় প্রধান, সিএসই), অধ্যাপক ড. মোহাম্মদ নুরুল হুদা, সহযোগী অধ্যাপক ড. খন্দকার এ মামুন ও সহকারী অধ্যাপক সুমন আহমেদ। শামীম আহসান বলেন, আন্তর্জাতিক বাজারের চাহিদা কী এবং বাংলাদেশ তাদের কী সেবা দিতে পারে, সেটি অনুধাবনের সময় এখনই। দেশী ও আন্তর্জাতিক প্রতিষ্ঠানগুলোর সাথে পার্টনারশিপ এবং সম্পর্ক উন্নয়নের মাধ্যমে দেশী প্রযুক্তিপণ্য আন্তর্জাতিক পর্যায়ে নিয়ে যাওয়ার লক্ষ্য নিয়ে ইজেনারেশন দীর্ঘদিন ধরে কাজ করে আসছে। এই অগ্রগতির ক্ষুদ্র একটি প্রয়াস এই চুক্তি। এর ফলে গবেষকেরা নিত্যনতুন পরিকল্পনা ও প্রযুক্তির উদ্ভাবনে কাজ করতে পারবেন।

ডিলাক্স এম১০৭জিএক্স ওয়্যারলেস মাউস

স্মার্ট টেকনোলজিস বাজারে এনেছে ডিলাক্স ব্র্যান্ডের এম১০৭জিএক্স মডেলের ওয়্যারলেস মাউস। অপটিক্যাল ইঞ্জিনসম্পন্ন এই মাউসটিতে রয়েছে ১০০০ ডিপিআই, ইউএসবি প্লাগ, ইউডিপ্লোরাল অরগানিক ডিজাইন ও ইনজেকশন মডিউলিং ফ্লাওয়ার প্যাটার্ন। মাউসটির ডাইমেনশন ১০৩.৬ বাই ৫৮.১ বাই ৩৮.১ মিলিমিটার। মাউসটির সাথে দঙ্গল ও ব্যাটারি ফ্রি। এক বছরের রিপ্লসমেন্ট ওয়ারেন্টিসহ দাম ৬৫০ টাকা। যোগাযোগ : ০১৭৩০৭০১৯২২

দেশের বাজারে নকিয়া ৩৩১০

সারাদেশে নকিয়ার বহুল আকাঙ্ক্ষিত ফিচার ফোন ৩৩১০ পাওয়া যাবে। সম্প্রতি নকিয়া ফোন বাজারজাতকারী প্রতিষ্ঠান এইচএমডি গ্লোবাল রাজধানীর একটি হোটেলে এক সংবাদ সম্মেলনে বাংলাদেশের বাজারে প্রথম নকিয়া স্মার্টফোন রেঞ্জের তিনটি ও নকিয়া ৩৩১০ ফিচার ফোনসেট বিপণনের এই ঘোষণা দিয়েছে। নকিয়া ৩৩১০-এর বাজারমূল্য ৪ হাজার ২৫০ টাকা। সর্বকালের সর্বাধিক বিক্রীত ফিচার ফোনের নতুন সংস্করণটির ব্যাটারিতে একবার চার্জ দিয়ে ২২ ঘণ্টা পর্যন্ত কথা বলার অবিশ্বাস্য সুবিধা রয়েছে। সেই সাথে মাসব্যাপী স্ট্যান্ডবাই সুবিধা আছে। নকিয়া ৩৩১০ সেটটি এবার নতুনভাবে কালারফুল ও আধুনিক ডিজাইনে তৈরি করে বাজারে আনা হয়েছে। এই সেটের ব্যাটারিতে একবার চার্জ দিয়ে সারাদিন ধরে কথা বলা, টেক্সট মেসেজ পাঠানো, ছবি তোলা, গান শোনা ও স্লেক গেমটি নিয়ে সময় কাটানোসহ সবই করা যাবে। নকিয়া ৩৩১০ ডিভাইসটি চারটি স্বতন্ত্র কালারে বাজারজাত হবে। স্মার্টফোন সেটগুলো হচ্ছে—নকিয়া ৩, নকিয়া ৫ ও নকিয়া ৬। বাংলাদেশের বাজারে নকিয়া ৬, ২২ হাজার ৫০০ টাকা, নকিয়া ৫ ১৫ হাজার ৯৯০ টাকা, নকিয়া ৩-এর দাম ১২ হাজার ৫০০ টাকা।

বেনকিউ এমএস৫০৬ মডেলের প্রজেক্টর



স্মার্ট টেকনোলজিস বাজারে এনেছে বেনকিউ ব্র্যান্ডের এমএস৫০৬ মডেলের প্রজেক্টর। ৩২০০ লুমেনসম্পন্ন এই প্রজেক্টরে রয়েছে ১০ হাজার ঘণ্টা দীর্ঘ ল্যাম্প লাইফ, ০.৫ স্ট্যান্ডবাই মোড ও বিনোদনের জন্য নতুন থ্রিডি ফরম্যাট। বর্তমানে প্রজেক্টরটি কিনলেই ক্রেতাদের দুই বছরের বিক্রয়োত্তর সেবার পাশাপাশি একটি প্রজেক্টর স্ক্রিন উপহার দিচ্ছে স্মার্ট টেকনোলজিস। দাম ৩১,৪৯০ টাকা। যোগাযোগ: ০১৭৩০৭০১৯১৫

এমএসআই এক্স৩৭০ এক্স-পাওয়ার টাইটেনিয়াম মাদারবোর্ড

ইউসিসি বাজারজাত করছে এমএসআইয়ের নতুন এক্স৩৭০ এক্স-পাওয়ার গেমিং টাইটেনিয়াম মাদারবোর্ড। মাদারবোর্ডটি এএমডি রাইজেন ও সপ্তম প্রজন্মের এ-সিরিজ উপযোগী। র্যামের চারটি স্লটের মাধ্যমে এই মাদারবোর্ডটিতে সর্বোচ্চ



৬৪ জিবি ডিডিআর৪ ব্যবহার করা যাবে এবং সর্বোচ্চ ৩২০০ বাস পর্যন্ত সাপোর্ট দেবে। এই মাদারবোর্ডের ইন গেম উইপন হিসেবে হট কি, এক্স বুস্ট, এক্স স্পিল্ট গেমকাস্টার ব্যবহার করা যাবে।

এ ছাড়া ব্যবহার করা হয়েছে টার্বো এম-২, টার্বো ইউ-২, লাইটিং ইউএসবি ৩.১। মাদারবোর্ডটির সাথে এএমডি রাইজেনের যেকোনো প্রসেসরের সাথে পাচ্ছেন এমএসআই টি-শার্ট ও ক্যাপ। যোগাযোগ: ০১৮৩৩৩১৬৩২

ভিভিটেকের

ডিএক্স৫৬৩এসটি প্রজেক্টর



বিশ্বখ্যাত ব্র্যান্ড ভিভিটেকের শর্ট থ্রো প্রজেক্টর ডিএক্স৫৬৩এসটি দেশের বাজারে এনেছে গ্লোবাল ব্র্যান্ড। আধুনিক এই প্রজেক্টরে রয়েছে ৩০০০ অ্যাপ্সি লুমেন ও ডব্লিউইউএক্সজিএ (১৯২০ বাই ১২০০) রেজুলেশন পর্যন্ত ব্যবহার উপযোগী। এ ছাড়া এই প্রজেক্টরটি ১৫০০০:১ কন্ট্রাস্ট রেশিও, এইচডিএমআই ১.৪ (ব্লু-রে উপযোগী), আরএস২৩২ সিরিয়াল পোর্ট সাপোর্ট করে। এতে ভিজিএ ইন (এক্স২)ও ভিজিএ আউটের ব্যবহার রয়েছে। মূলত এই প্রজেক্টরটি শর্ট থ্রো প্রযুক্তিতে তৈরি করায় খুব কাছ থেকেও ব্যবহার করা সম্ভব। তাই কনফারেন্স রুম ও ক্লাস রুমে প্রজেক্টরটি বিশেষ উপযোগী। এর ল্যাম্প লাইফ ১০ হাজার ঘণ্টা পর্যন্ত কার্যকর। দাম ৪৯,০০০ টাকা। সহজে ব্যবহার উপযোগী এই প্রজেক্টরে রয়েছে দুই বছরের বিক্রয়োত্তর সেবা এবং ল্যাম্পের জন্য রয়েছে ১ হাজার ঘণ্টা পর্যন্ত বিক্রয়োত্তর সেবা। যোগাযোগ: ০১৯৭৭-৪৭৬৪৫৯

পাভা সিকিউরিটির সেরা সেলস পার্টনার অরেঞ্জ কমপিউটার

গত ২২ মে নেপালের পোখারা শহরের ল্যান্ডমার্ক হোটেলে অনুষ্ঠিত 'পাভা বিজনেস সম্মেলন-২০১৭'-এ অরেঞ্জ কমপিউটারকে পাভা সিকিউরিটির সেরা সেলস পার্টনার ২০১৬ ঘোষণা করা হয়।



অরেঞ্জ কমপিউটারের স্বত্বাধিকারী মোবারক হোসেন রাকিনের হাতে 'সেরা সেলস পার্টনার-২০১৬' ক্রেস্ট তুলে দেন গ্লোবাল ব্র্যান্ডের এলিফ্যান্ট রোড শাখার ব্রাঞ্চ ম্যানেজার মেসবাহ উদ্দিন আহমেদ, সলাইমান আহমেদ জিসান ও রাশিদ আল মামুন।

এ ছাড়া দেশব্যাপী পাভা সিকিউরিটির প্লাটিনাম পার্টনার হিসেবে অ্যাবসুলেট এইটি, জননী কমপিউটার, পাওয়ার লাইন কমপিউটার, অরেঞ্জ কমপিউটার, হাইফাই কমপিউটার, স্মার্ট ডিউ কমপিউটার, জেএস কমপিউটার, সুমন কমপিউটার এবং গোল্ড পার্টনার হিসেবে কমপিউটার সিটি, পিসি ওয়ার্ড, চিফ টেকনোলজি, কমপিউটার ক্লিনিক, কনা কমপিউটার, সরকার ইন্টারন্যাশনাল, সাকসেস কমপিউটার, ফরাইজি কমপিউটার, স্বদেশ কমপিউটার, আই-কন কমপিউটারের স্বত্বাধিকারীরা ক্রেস্ট গ্রহণ করেন। অনুষ্ঠানে অংশগ্রহণকারীদের জন্য ছিল বার-বি-কিউ পার্টি ও জমকালো নৃত্য পরিবেশনা। অনুষ্ঠানটির সার্বিক দায়িত্ব ও উপস্থাপনায় ছিলেন পাভা সিকিউরিটি বাংলাদেশ প্রোডাক্ট ম্যানেজমেন্ট এক্সিকিউটিভ রাশিদ আল মামুন।

ডিজিটাল বিজ্ঞাপনে রবির নলেজ শেয়ারিং প্ল্যাটফর্ম 'রিডটকন'

ডিজিটাল বিজ্ঞাপনের প্রসারে গঠনমূলক আলোচনা, মতবিনিময় ও ধারণা বিনিময়ের লক্ষ্যে 'রিডটকন' নামে একটি নলেজ শেয়ারিং প্ল্যাটফর্ম চালু করেছে মোবাইল ফোন অপারেটর রবি। গত ১৮ মে রাজধানীর এক হোটেলে প্ল্যাটফর্মটির উদ্বোধন করা হয়। ডিজিটাল বিজ্ঞাপনের অত্যাধুনিক কলাকৌশলের মাধ্যমে কাজক্ষিত গ্রাহকের কাছে পণ্য বা সেবা পৌঁছে দেয়াই 'রিডটকন' প্ল্যাটফর্মের উদ্দেশ্য। এ ছাড়া এটি ডিজিটাল ইকো সিস্টেমের বিভিন্ন দিক, যেমন- অনলাইন স্টার্টআপস, বাংলাদেশে ই-কমার্সের পরিস্থিতি এবং আমাদের ব্যক্তিগত ও পেশাগত জীবনধারায় ডিজিটাল বিশ্বের প্রভাব সম্পর্কিত জ্ঞানের বিস্তার ঘটাবে।

উদ্বোধনী অনুষ্ঠানে রবির ম্যানেজিং ডিরেক্টর অ্যান্ড সিইও মাহতাব উদ্দিন আহমেদ, প্রজেক্ট ডিরেক্টর-ইন্টিগ্রেশন অফিস শিহাব আহমেদ, রবি ডিজিটাল সার্ভিসের অ্যাক্টিং কান্ট্রি হেড দেওয়ান নাজমুল হাসানসহ রবির পদস্থ কর্মকর্তারা উপস্থিত ছিলেন। সবার জন্য রিডটকনের ফেসবুক পেজ www.facebook.com/reachconnect.recon/-এ পুরো আয়োজনটির ভিডিও আপলোড করা হবে।

বেসিস সদস্যদের জন্য চালু হলো স্মার্টকার্ড

সফটওয়্যার ব্যবসায় খাতের সংগঠন বাংলাদেশ অ্যাসোসিয়েশন অব সফটওয়্যার অ্যান্ড ইনফরমেশন সার্ভিসেসের (বেসিস) সদস্যদের জন্য চালু হলো 'মেম্বারশিপ স্মার্টকার্ড'। সম্প্রতি রাজধানীতে এক অনুষ্ঠানে এই স্মার্টকার্ডের উদ্বোধন করেন তথ্য ও যোগাযোগপ্রযুক্তি (আইসিটি) প্রতিমন্ত্রী জুনাইদ আহমেদ। তিনি বলেন, সরকার ব্যবসায় করবে না, ব্যবসায় করার ক্ষেত্র তৈরি করে দেবে। পেপ্যালের জুম সেবা নিয়ে কাজ চলছে, অনেক দূর এগিয়েছিও আমরা।

বেসিসের এই কার্ডের মাধ্যমে সংগঠনের সদস্যরা হাসপাতাল, হোটেল, রেস্টোরাঁসহ বিভিন্ন প্রতিষ্ঠানে বিশেষ ছাড় ও অগ্রাধিকারের ভিত্তিতে সেবা পাবেন। বেসিসের সভাপতি মোস্তাফা জব্বার বলেন, সদস্যদের জন্য এটি একটি বিশেষায়িত সেবা। দীর্ঘদিন ধরে সদস্যরা এ ধরনের কার্ড বা সেবার দাবি জানিয়ে আসছিলেন। দেরিতে হলেও কার্ডটি দিতে পেরে আমরা আনন্দিত। অনুষ্ঠানে উপস্থিত ছিলেন বেসিসের জ্যেষ্ঠ সহ-সভাপতি রাসেল টি আহমেদ, সহ-সভাপতি এম রাশিদুল হাসান, পরিচালক সোনিয়া বশির কবির, উত্তম কুমার পাল, রিয়াদ এসএ হোসেন, মোস্তাফিজুর রহমানসহ অনেকে। স্মার্টকার্ড ব্যবহার করে বেসিস সদস্যরা এখন ১৫টি প্রতিষ্ঠানে সুবিধা পাবেন।



অ্যাড্রয়িডে পবিত্র কোরানের বাংলা ও অডিও ভার্সন



মহান আল্লাহতায়ালার পবিত্র কোরানে মানবজাতির জন্য দিয়েছেন একটি পূর্ণাঙ্গ দিকনির্দেশনা। সময়ের পরিবর্তনের সাথে সাথে

মানুষ এখন আরও বিজ্ঞানমুখী হচ্ছে। আর বিজ্ঞানের এই সুফলকে সহজলভ্য করে মানুষের হাতের মুঠোয় পৌঁছে দেয়ার প্রয়াস নিয়ে এগিয়ে চলছে দেশের আইটি প্রতিষ্ঠান অরেঞ্জবিডি লিমিটেড। প্রতিষ্ঠানটি তাদের পণ্যসারিতে ২০১৩ সালের জুলাই মাসে সংযোজন করে প্রথম বাংলায় অর্থসহ পবিত্র কোরানের অ্যাড্রয়িড অ্যাপস Al-Quran (Bangla)। বর্তমানে অ্যাপসটির চতুর্থ সংস্করণ এনেছে অরেঞ্জবিডি লিমিটেড। অ্যাপসটি ডাউনলোড করার লিঙ্ক <https://goo.gl/DcDnPi> ♦

থার্মালটেক টাফপাওয়ার এসএফএক্স পিএসইউ



থার্মালটেকের বাংলাদেশ বাজারজাতকারী প্রতিষ্ঠান ইউসিসি সম্প্রতি বাজারজাত করছে টাফপাওয়ার এসএফএক্স সংস্করণের পাওয়ার সাপ্লাই। এসএফএক্স সংস্করণের প্রধান বৈশিষ্ট্য হচ্ছে আকারে ছোট। বর্তমানে হাই কনফিগারের সাথে আকারে ছোট চেসিস চাহিদা বেড়েই চলেছে এবং মূলত এই এটিএক্স চেসিসগুলোর জন্য এসএফএক্স সংস্করণের পিএসইউ ব্যবহার হয়ে থাকে। বর্তমানে এই সিরিজের টাফপাওয়ার এসএফএক্স ৪৫০ ডব্লিউ গোল্ড ইউসিসি বাজারজাত করছে এবং এর জন্য যে মডেলের চেসিস পাওয়া যাচ্ছে, সেটি হলো থার্মালটেক কোর জি৩ ব্ল্যাক। যোগাযোগ : ০১৮৩৩৩৩১৬৩২ ♦

জোটেক ১৮০টিআই এএমপি এক্সট্রিম গ্রাফিক্স কার্ড



ইউসিসি সম্প্রতি বাজারজাত করছে বিশ্বখ্যাত জোটেক ব্র্যান্ডের নতুন গ্রাফিক্স কার্ড জিটিএক্স ১৮০টিআই

এএমপি এক্সট্রিম এডিশন। সম্পূর্ণ নতুন প্রযুক্তির ও উচ্চ ক্ষমতাসম্পন্ন গ্রাফিক্স কার্ডটি গুরুতর গেমিংয়ের জন্য একটি পরিকল্পিত কার্ড। এর ১১ জিবি সংস্করণ জিডিডিআরএক্স মেমরিতে প্রস্তুত। এই কার্ডটির মেমরি ক্লকস্পিড ১১.২ গিগাহার্টজ থেকে ১৭৫৯ মেগাহার্টজ পর্যন্ত বৃদ্ধি করা যায়। ২ ওয়ে এসএলআই সাপোর্টেড এই কার্ডগুলোর ম্যাক্সিমাম চারটি ডিসপ্লে আউটপুট হিসেবে পাওয়া যাবে। কার্ডটি চালাতে ভালোমানের ৬০০ডব্লিউ পাওয়ার সাপ্লাই যথেষ্ট। যোগাযোগ : ০১৮৩৩৩৩১৬৩২ ♦

নেপালে পাভা হিমালয়া অ্যাডভেঞ্চার ট্যুর অনুষ্ঠিত

সম্প্রতি পাভা সিকিউরিটি বাংলাদেশের একমাত্র পরিবেশক গ্লোবাল ব্র্যান্ড তাদের সম্মানিত সেলস পার্টনারদের নিয়ে আয়োজন করে 'পাভা হিমালয়া অ্যাডভেঞ্চার ট্যুর নেপাল'। পাঁচ দিনব্যাপী এই অ্যাডভেঞ্চার ট্যুরে ছিল নেপালের বিভিন্ন ঐতিহাসিক স্থান দর্শন, নেপালের সবচেয়ে শান্তিময় পোখারা শহরের বিখ্যাত ফেওয়ালেকে বোটিং, সারাং কোটের অনুপূর্ণার চূড়া কাছ থেকে দেখা এবং গোল্ডেন সানরাইজ উপভোগ করা। গত ২০ মে ঢাকার শাহজালাল আন্তর্জাতিক বিমানবন্দর থেকে পাভা



হিমালয়া অ্যাডভেঞ্চার টিম নেপালের উদ্দেশ্যে যাত্রা করে ২৪ মে বাংলাদেশে ফিরে আসে।

পাভা সিকিউরিটি বাংলাদেশের প্রোডাক্ট ম্যানেজার রবি শংকর দত্ত এই সম্পর্কে বলেন, দেশব্যাপী পাভা সিকিউরিটির একটি ন্যূনতম টার্গেট পূর্ণ করে এই ভ্রমণ অর্জন করেছে আমাদের সম্মানিত পার্টনারগণ। সামনে আছে আমাদের থাইল্যান্ড ট্যুর। আশা করি, আমাদের পার্টনারদের নিয়ে সাফল্যের সাথে থাইল্যান্ড ট্যুরও সম্পন্ন করতে পারব ♦

কমপিউটার সোর্সে ফ্রি পিসি সার্ভিসিং ক্যাম্প অনুষ্ঠিত



গত ২০-২১ মে বিনামূল্যে ডেস্কটপ ও ল্যাপটপ পিসির কারিগরি সমস্যার সমাধান দেয় দেশীয় প্রযুক্তিপণ্য ও সেবাদাতা প্রতিষ্ঠান কমপিউটার সোর্স। যেকোনো ব্র্যান্ডের মেয়াদোত্তীর্ণ পিসিতেই এ সেবা দেয়া হয়। আর এর মাধ্যমেই শেষ হয় প্রতিষ্ঠানটির অনন্য আয়োজন 'বাধাহীন প্রযুক্তি সেবা মাস'। গত ২৪ এপ্রিল থেকে শুরু হওয়া প্রযুক্তি খাতের এই অভূতপূর্ব সেবায় নানান উপহারও পান আগতরা। উক্ত তারিখের সকাল ১০টা থেকে বিকেল ৫টা পর্যন্ত কমপিউটার সোর্স কাস্টমার কেয়ার (বাড়ি-১১/বি, সড়ক-১২, ধানমণ্ডি) থেকে এই সেবা দেয়া হয়। ইতোপূর্বে ২৯-৩০ এপ্রিল স্পিকার পণ্যে, ৬-৭ মে প্রিন্টিং পণ্যে, ১৩-১৪ মে নেটওয়ার্কিং পণ্যে এই সেবা দেয়া হয়। মাসব্যাপী বিনামূল্যে বাধাহীন এই সেবা

কার্যক্রম বিষয়ে কমপিউটার সোর্স কাস্টমার কেয়ার বিভাগের সেবা ব্যবস্থাপক মোহাম্মাদ জামিল বলেন, সেবা দিতে আমরা আমাদের সার্ভিস সেন্টারে ওয়ান স্টপ সার্ভিস বুথের ব্যবস্থা করেছিলাম। সেবা গ্রহীতাদের চাপ ও সমস্যার জটিলতা ধরনের কারণে সব গ্রাহককে অন দ্য স্পট সেবা দেয়া সম্ভব না হলেও ক্ষতিগ্রস্ত পণ্য গ্রহণ করে আমরা গ্রাহকের মুখে হাসি ফোটানোর সর্বাঙ্গিক চেষ্টা করেছি ♦

ডেলের নতুন গেমিং ল্যাপটপ



স্মার্ট টেকনোলজিস বাজারে এনেছে ডেল ব্র্যান্ডের ইসপায়রন ১৫-৭৫৬৭ মডেলের নতুন গেমিং ল্যাপটপ। সপ্তম প্রজন্মের ইন্টেল কোরআই৭ প্রসেসরসম্পন্ন এই ল্যাপটপে রয়েছে ৮ জিবি ডিডিআর৪ র‍্যাম, ১২৮ জিবি এসএসডি, ৫০০ জিবি হার্ডড্রাইভ, ১৫.৬ ইঞ্চি ফুল এইচডি ডিসপ্লে, ব্লুটুথ, এনভিডিয়া জিটিএক্স ১০৫০টিআই ৪ জিবি গ্রাফিক্স কার্ড, ব্যাকলিট কিবোর্ড ও উইডোজ ১০ অপারেটিং সিস্টেম। দুই বছরের বিক্রয়োত্তর সেবাসহ দাম ১,২৭,৫০০ টাকা। যোগাযোগ : ০১৭৭৭৭৩৪১৬৫ ♦

কিউন্যাপ অল ফ্ল্যাশ স্টোরেজ ডিভাইস



গ্লোবাল ব্র্যান্ড বাজারে এনেছে কিউন্যাপ ব্র্যান্ডের নতুন অল ফ্ল্যাশ স্টোরেজ ডিভাইস। কিউন্যাপ স্টোরেজের এই সিরিজটির নাম টিইএসএক্স-৮৫। এই সিরিজটির দুটি মডেল রয়েছে। প্রথমটি টিইএস১৮৮৫ইউ (১৮ টিইইচডিডি), দ্বিতীয়টি টিইএস৩০৮৫ইউ (৩০ টিইইচডিডি)। উভয় মডেল ১৪ ন্যানোমিটার ইন্টেল জিওন (৬ কোর/৮ কোর) ডি স্ক প্রসেসর দিয়ে চালিত। যোগাযোগ : ০১৯৬৯৬৩০৭২ ♦